

---

OFFERYNNAU STATUDOL CYMRU

---

**2004 Rhif 2747 (Cy.245)**

**LLYWODRAETH LEOL, CYMRU**

**Gorchymyn Powys (Cymunedau  
Aberhonddu a Llanfrynach) 2004**

*Wedi'i wneud* - - - *13 Hydref 2004*

*Yn dod i rym yn unol ag Erthygl 1(2)*

Mae Comisiwn Ffiniau Llywodraeth Leol Cymru, ac yntau wedi cyflwyno adroddiad i Gynulliad Cenedlaethol Cymru, yn unol ag adrannau 54(1) a 58(1) o Ddeddf Llywodraeth Leol 1972(1), dyddiedig Rhagfyr 2003, ynghylch adolygiad Cyngor Sir Powys o'r ffin rhwng Cymunedau Aberhonddu a Llanfrynach yn Sir Powys, ynghyd â'r cynigion a ffurfiwyd gan y Comisiwn;

A Chynulliad Cenedlaethol Cymru, ac yntau wedi penderfynu gwneud y cynigion yn effeithiol heb eu haddasu;

A chan fod mwy na chwech wythnos wedi mynd heibio ers i'r cynigion hynny gael eu cyflwyno i Gynulliad Cenedlaethol Cymru;

Yn awr, mae Cynulliad Cenedlaethol Cymru, gan arfer y pwerau a roddwyd i'r Ysgrifennydd Gwladol gan adran 58(2) o Ddeddf Llywodraeth Leol 1972 ac sydd bellach wedi'u breinio yng Nghynulliad Cenedlaethol Cymru i'r graddau y maent yn arferadwy mewn perthynas â Chymru yn rhinwedd Gorchymyn Cynulliad Cenedlaethol Cymru (Trosglwyddo Swyddogaethau) 1999(2), yn gwneud y Gorchymyn a ganlyn:

**Enwi a Chychwyn**

1.—(1) Enw'r Gorchymyn hwn yw Gorchymyn Powys (Cymunedau Aberhonddu a Llanfrynach) 2004.

(2) Daw'r Gorchymyn hwn i rym ar 1 Ebrill 2004, sef y diwrnod penodedig at ddibenion y Rheoliadau, ag eithrio bod y Gorchymyn hwn yn dod i rym ar 1 Rhagfyr 2004 at y dibenion a nodir yn rheoliad 4(1) o Reoliadau 1976.

**Dehongli**

2. Yn y Gorchymyn hwn —

---

(1) 1972 (p.70).

(2) (O.S. 1999/672).

---

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

ystyr “y map ffiniau” (“*the boundary map*”) yw'r map a baratowyd gan Gynulliad Cenedlaethol Cymru ac sydd wedi'i farcio “Map Ffiniau Gorchymyn Powys (Cymunedau Aberhonddu a Llanfrynach) 2004” ac a adneuwyd yn unol â Rheoliad 5 o'r Rheoliadau; ystyr “y Rheoliadau” (“*the Regulations*”) yw Rheoliadau Newidiadau yn Ardaloedd Llywodraeth Leol 1976 fel y'u diwygiwyd<sup>(3)</sup>.

### **Newid i ardal gymunedol a newid canlyniadol i adran etholiadol**

3. Mae'r ffin rhwng y rhannau hynny o gymuned Aberhonddu (Ward y Santes Fair) sy'n ffurfio adran etholiadol y Santes Fair, a chymuned Llanfrynach sy'n ffurfio rhan o adran etholiadol Tal-y-bont ar Wysg, fel y mae wedi'i marcio ar y map ffiniau fel “Ffin Gymunedol Newydd”, gyda'r canlyniad bod yr ardal o dir a ddangosir gyda llinellau rhesog du ar y map ffiniau, gan gynnwys yr eiddo a elwir “White House”, i'w chynnwys yng Nghymuned Llanfrynach yn lle yng Nghymuned Aberhonddu.

Llofnodwyd ar ran y Cynulliad Cenedlaethol.

13 Hydref 2004


*Sue Essex*  
Y Gweinidog dros Gyllid, Llywodraeth Leol a  
Gwasanaethau Cyhoeddus

---

(3) O.S. 1976/246, fel y'i diwygiwyd gan Reoliadau Newidiadau yn Ardaloedd Llywodraeth Leol (Diwygio) 1978 O.S. 1978/247.

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

### Map Ffiniau Gorchymyn Sir Powys (Cymunedau Aberhonddu a Llanfrynach) 2004



Mae'r map hwn wedi'i seilio ar fap yr Arolwg Ordnans gan Gynulliad Cenedlaethol Cymru gyda chaniatâd Rheolwr Gwasg Ei Mawrhydi. © Hawffraint y Goron 2004. Cedwir pob hawff. Mae atgynhyrchu heb awdurdod yn torri hawffraint y Goron a gall arwain at erlyn neu achos sifil. Rhif y Dwydded: 100017916

Cartograffeg, Llywodraeth Cynulliad Cymru

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

## EXPLANATORY NOTE

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn, a wneir yn unol ag adran 58(2) o Ddeddf Llywodraeth Leol 1972, yn gwneud yn effeithiol gynigion gan Gomisiwn Ffiniau Llywodraeth Leol Cymru, a hynny heb eu haddasu. Effaith y cynigion hynny yw newid y ffin rhwng cymunedau Aberhonddu a Llanfrynach, fel bod yr eiddo "White House" ym mhentref Groesffordd bellach yn rhan o Gymuned Llanfrynach.

Newidir y ffin rhwng Ward y Santes Fair yng Nghymuned Aberhonddu (sy'n ffurfio adran etholiadol y Santes Fair) a Chymuned Llanfrynach, gan gynnwys cymunedau Glyn Tarell a Thal-y-bont ar Wysg (sydd oll yn ffurfio rhan o adran etholiadol Tal-y-bont ar Wysg) fel ei bod yn cyd-fynd â'r ffin gymunedol newydd, fel y'i dangosir ar y map ffiniau.

Adneuir printiau o'r map ffiniau a gellir edrych arnynt yn ystod oriau gwaith arferol yn swyddfeydd Cyngor Sir Powys, Neuadd y Sir, Llandrindod, Powys ac yn swyddfeydd Cynulliad Cenedlaethol Cymru ym Mharc Cathays, Caerdydd.

Mae Rheoliadau Newidiadau yn Ardaloedd Llywodraeth Leol 1976 (fel y'u diwygiwyd), y cyfeirir atynt yn erthygl 1(2) o'r Gorchymyn hwn, yn cynnwys darpariaethau cysylltiedig, canlyniadol, trosiannol ac atodol ynghylch effaith a gweithredu gorchmynion megis y gorchymyn hwn.